





第一〇七二冊

四庫全書

● 上海古籍出版社

本冊目次

權文公集	目	翰苑集	附顧非熊詩錄	目	華陽集	錢仲文集	李遐叔文集	蕭茂挺文集	附獨孤公神道銘	昆陵集	韋蘇州集	劉隨州集
------	---	-----	--------	---	-----	------	-------	-------	---------	-----	------	------

唐權德輿撰……………七九七	唐陸贄撰……………五六五	唐顧況撰	明顧名端輯……………五〇三	唐顧非熊撰	唐錢起撰……………四四一	唐李華撰……………三四五	唐蕭穎士撰……………三一七	唐崔祐甫撰	唐梁肅編……………一五九	唐獨孤及撰	唐韋應物撰……………七七	唐劉長卿撰……………一
---------------	--------------	------	---------------	-------	--------------	--------------	---------------	-------	--------------	-------	--------------	-------------

欽定四庫全書

集部
劉隨州集卷二

詳校官太常寺少卿臣陳桂林
檢討臣何思鈞覆勘

總校官知縣臣繆
校對官中書臣秦
騰錄監生臣朱
泉
永

欽定四庫全書

集部二

劉隨州集

別集類一 唐

提要

臣等謹案劉隨州集十一卷唐劉長卿撰長卿字文房河間人開元末登進士第官終隨州刺史故至今稱曰劉隨州是集凡詩十卷文一卷第二卷中送河南元判官赴河南句富苗稅充百官俸錢詩不書勾字但註曰御

欽定四庫全書

劉隨州集

名蓋宋高宗諱構當時之例凡音同御名者皆避故勾字亦不敢徑書則猶從南宋舊本翻雕也然編次叢睦頗甚諸體皆以絕句為冠中間古體近體亦頗淆亂如四月深澗底桃花方欲然寧知地勢下遂使春風偏四句第四卷中作晚桃詩前半首乃幽居八詠上李侍郎之一而第一卷又割此四句為絕句題曰八百丈澗見桃花晚開是二者必有一

訛也舊原有外集一卷所錄僅詩十首而重
送一首已見八卷中又佚去題中裴郎中貶
古州六字次前溪館作一首已見二卷中贈
袁贊府一首已見九卷中而又誤以題下所
註時經劉展平後句為題併佚去時經二字
送裴二十七端公詩亦見二卷中哭李宥一
首亦見九卷中秋雲嶺洞山陽橫龍渡赤沙
湖四首即四卷中湘中紀行十首之四又訛
秋雲嶺為雲秋嶺洞山陽為洞山陽寄李侍
郎行營五十韻一首已見七卷又佚其題首
至德三年等二十四字不知何以舛謬至此
蓋宋本亦有善有不善不能一一精核也今
刊除入百丈澗見桃花晚開一首其外集亦
一併刊除以省重複長卿詩號五言長城大
抵研鍊深穩而自有高秀之韻其文工于造
語亦如其詩故于盛唐中唐之間號為名手

但才地稍弱是其一短高仲武中興間氣集
病其十首以後語意畧同可謂識微之論王
士禎論詩絕句乃云不解雖黃高仲武長城
何意貶文房非篤論也乾隆四十五年九月
恭校上

總纂官臣紀昀臣陸錫熊臣孫士毅
總校官臣陸費墀

欽定四庫全書

劉隨州集卷一

逢雪宿芙蓉山人

唐 劉長卿 撰

日暮蒼山遠，天寒白屋貧。柴門聞犬吠，風雪夜歸人。

送張起崔載華之閩中

朝無寒士達，家在舊山貧。相送天涯裏，憐君更遠人。

贈秦系徵君

欽定四庫全書

劉隨州集

章公誰讓位，五柳獨知貧。惆悵青山路，煙霞老此人。

秦系頃以家事獲謗，因出舊山，每荷觀察崔公見

知，欲歸未遂，感其流寓，詩以贈之。

初逢武陵路，復出孟嘗門。迴首江南岸，青山與舊恩。

夜中對雪，贈秦系時秦初與謝氏離婚，謝氏在越

月明花滿地，君自憶山陰。誰遣因風起，紛紛亂此心。

湘妃

帝子不可見，秋風來暮思。嬋娟湘江月，千載空蛾眉。

斑竹

蒼梧千載後，斑竹對湘沅。欲識湘妃怨，枝枝滿淚痕。

春草宮懷古

君王不可見，芳草舊宮春。猶帶裙羅色，青青向楚人。

正朝覽鏡作

憔悴逢新歲，茅扉見舊春。朝來明鏡裏，不忍白頭人。

瓜洲道中送李端公南渡後歸揚州道中寄

片帆何處去，匹馬獨歸遲。惆悵江南北，青山欲暮時。

欽定四庫全書

劉隨州集

送張十八歸桐廬

歸人乘野艇，帶月過江村。正落寒潮水，相隨夜到門。

過白鶴觀尋岑秀才不遇

不知方外客，何事鑠空房。應向桃源裏，教他喚阮郎。

聽彈琴

泠泠七絲上，靜聽松風寒。古調雖自愛，今人多不彈。

遊南國偶見在陰墻下葵，因以成詠。

此地常無日，青青獨在陰。太陽偏不及，非是未傾心。

送子婿崔貢甫李穆往揚州

渡口發梅花山中動泉脉蕪城春草生君作揚州客

其二

半邏鶯滿樹新年人獨還落花逐流水共到茱萸灣

其三

雁還空渚在人去落潮翻臨水獨揮手殘陽歸掩門

其四

狎鳥携稚子釣魚終老身殷勤囑歸客莫話桃源人

欽定四庫全書

劉隨州集

三

寄龍山道士許法稜

悠悠白雲裏獨住青山客林下書焚香桂花同寂寂

送方外上人

孤雲將野鶴豈向人間住莫買沃州山時人已知處

送靈澈上人

蒼蒼竹林寺杳杳鐘聲晚荷笠帶夕陽青山獨歸遠

茱萸灣北答崔戴華問

荒涼野店絕迢遞人煙遠蒼蒼古木中多是隋家苑

赴楚州次自田途中阻淺問張南史

楚城今近遠積霽寒塘暮水淺舟且遲淮潮至何處

江中對月

空洲夕煙斂望月秋江裏歷歷沙上人月中孤渡水

碧澗別墅喜皇甫侍御相訪

荒村帶返照落葉亂紛紛古路無行客寒山獨見君野

橋經雨斷澗水向田分不為憐同病何人到白雲

初到碧澗招明契上人

欽定四庫全書

劉隨州集

四

漸老知身累初寒曝背眠白雲留永日黃葉減餘年猿

護窻前樹泉澆谷後田沃洲能共隱不用道林錢

送少微上人遊天台

石橋人不不到獨往更迢迢乞食山家少尋鐘野路遠松

門風自掃瀑布雪難消秋夜聞清梵餘音逐海潮

却歸睦州至七里灘下作

南歸猶謫宦獨上子陵灘江樹臨洲晚沙禽對水寒山

開斜照在石淺亂流難惆悵梅花發年年此地看

對酒寄嚴維

陋巷喜陽和，衰顏對酒歌。
懶從華髮亂，閑任白雲多。
郡簡容垂釣，家貧學弄梭。
門前七里瀨，早晚子陵過。

新年作

鄉心新歲切，天畔獨潸然。
老至居人下，春歸在客先。
嶺猿同旦暮，江柳共風煙。
已似長沙傳，從今又幾年。

朱放自杭州與故里相使君立碑回因以奉簡吏

部楊侍郎製文

欽定四庫全書

卷一 應州志

五

片石羊公後，淒涼江水濱。
好辭千古事，墮淚萬家人。
鵬集占書久，鸞回刻篆新。
不堪相顧恨，文字日生塵。

送宣尊師鴈畢歸越

吹簫江上晚惆悵，別茅君。
踏火能飛雪，登刀入白雲。
晨香長日在夜磬，滿山聞。
揮手桐溪路，無情水亦分。

送裴使君赴荆南行軍司馬

盛府南門寄前程，積水中月明。
臨夏口山，晚望巴東故。
節辭江郡寒，霜發渚宮漢。
川風景好，遙羨逐羊公。

送裴郎中貶吉州

亂軍交白刃，一騎出黃塵。
漢郎同歸闕，江帆共逐臣。
猿愁岐路晚，梅作異方春。
知己鄴侯在，應憐脫粟人。

酬皇甫侍御見寄詩前相國姑臧公初臨郡

離別江南北，汀洲葉再黃。
路遙雲共水，砧迴月如霜。
歲餘依仁政，年衰憶故鄉。
竹看宣室召，漢法倚張綱。

月下呈章秀才

自古悲搖落，誰人奈此何。
夜蛩偏傍枕，寒鳥數移柯。
向老三年謫，當秋百感多。
家貧惟好月，空媿子猷過。

酬張夏

幾歲依窮海，頻年惜故陰。
劍寒空有氣，松老欲無心。
說雪勞相訪，看山正獨吟。
孤舟且莫去，前路水雲深。

送李使君貶連州

獨過長沙去，誰憑此路愁。
秋風散千騎，寒雨泊孤舟。
賈誼辭明主，蕭何識故侯。
漢廷當自召，湘水但空流。

秋夜北山精舍觀體如師梵

焚香奏仙唄向夕遍空山清切蕙秋遠威儀對月閒靜
分巖響答散逐海潮還幸得風吹去隨人到世間

酬張夏雪夜赴州訪別途中苦寒作

扁舟乘興客不憚苦寒行晚暮相依分江湖欲別情水
聲冰下咽砂路雪中平舊劍鋒銛盡應嫌贈脫輕

尋洪尊師不遇

古木無人地來尋羽客家道書堆玉案仙帔疊青霞鶴
老難知歲梅寒未作花山中不相見何處化丹砂

欽定四庫全書

劉隨州集

七

喜鮑禪師自龍山至

致居山一作何日下春草欲芊芊猶對山中月誰聽石上

泉猿聲知後夜花發見流年杖錫閑來往無心到處禪

送方外上人之常州依蕭使君

宰臣思得度鷗鳥戀為羣遠客迴飛錫空山卧白雲夕
陽孤艇去秋水兩溪分歸共臨川史同翻貝葉文

宿北山禪寺蘭若

上方鳴夕磬林下一僧還密行傳人少禪心對虎聞青

松臨古路白日滿寒山舊識憲前桂經霜更待一作攀
赴新安別梁侍郎

新安君莫問此路水雲深江海無行跡孤舟何處尋青
山空向淚白月豈知心縱有餘生在終傷老病侵
江州留別薛六柳八二員外

江海相逢少東南別處長獨行風嫋嫋相去水茫茫白
首辭同舍青山背故鄉離心與潮信每日到潯陽

和州留別穆郎中

欽定四庫全書

劉隨州集

八

搖遠悲遠道搖落感衰容今日猶多難何年更此逢世
交黃葉散鄉路白雲重明發看煙樹唯聞江北鐘

和州送人歸復郢

因家漢水曲相送掩柴扉故郢生秋草寒江淡落暉綠
林行客少赤壁住人稀獨過潯陽去潮歸人不歸

送金昌宗歸錢塘

新家浙江上獨泛落潮歸秋水照華髮涼風生褐衣柴
門嘶馬少藥杖拜人稀惟有陶潛柳蕭條對掩扉

酬張夏別後道中見寄

離羣方歲晏謫官在天涯
暮雪同行少寒潮欲上遲海
鷗知史傲砂鷗見人衰
只畏生秋草西歸亦未期

新安奉送穆諭德歸朝賦得行字

九重宣室召萬里建溪行事直
皇天在歸遲白髮生用
材身復起觀聖眼猶明離別寒
江上潺湲若有情

偶然作

野寺長依止田家或往還
老農開古地夕鳥入寒山

欽定四庫全書

劉隨州集

九

劍身同廢煙霞吏共閒
豈能將白髮扶杖出人間

送州人孫沅自本州却歸句章新營所居

故里歸城客新家去未安
詩書滿蠅舍征稅及漁竿
火種山田薄星居海島寒
憐君不得已步步別離難

送李員外使還蘇州兼呈前袁州李使君賦得長

字袁州即員外之從兄

別離共成怨

一作誠共怨

衰老更難忘夜月留同舍
秋風在遠鄉
朱絲徐向燭白髮強臨觴
歸歎西陵作誰知此路

長

酬李員外從崔錄事

寒江鳴石澗歸客夜初分
人語空山答猿聲獨戩聞
蓬來朝及暮愁去水連雲
歲晚心誰在青山見此君

見秦系離婚後出山居作

豈知偕老重垂老絕良姻
郝氏誠難負朱家自愧貧
綰衣留欲故織錦罷經春
何況靡無綠一作空山不見人

酬秦系

欽定四庫全書

劉隨州集

十

鶴書猶未至那出白雲來
舊路經年別寒潮每日迴
家空歸燕海人老發江梅
最憶門前柳閒居手自栽

歲日作

建寅迴北斗耆歷占春風
律變滄江外年加白髮中
春衣試稚子書酒勸衰翁
今日陽和發榮枯豈不同

題元錄事開元所居

幽居蘿薜情高卧紀綱行
鳥散秋鷹下人間春草生
冒嵐歸野寺收印出山城
今日新安郡因君水更清

送崔載華張起之閩中

不識閩中路遙知別後心猿聲入嶺切鳥道問人深旅
食過夷落方言會越音西征開幕府早晚用陳琳

送張司直越嶺南謁張尚書

番禺萬里路遠客片帆過盛府依橫海荒祠拜伏波人
經秋瘴變島墜火雲多誠憚炎洲裏無如一顧何

寄會稽公徐侍郎

公時在王傅

搖落淮南葉秋風想越吟鄒枚入梁苑遙少在山陰老

欽定四庫全書

劉隨州集

十一

鶴無衰貌寒松有本心聖朝難稅駕惆悵白雲深

送朱山人越州賊退後歸山陰別業

越州初罷戰江上送歸橈南渡無來客西陵自落潮空
城垂故柳舊業廢春苗閭里相逢少鶯花共寂寥

秋夜肅公房喜普門上人自陽羨山至

山樓久不見林下偶同遊早晚來香積何人住沃洲寒
禽驚後夜一作獨夜一作後晚古木帶高秋却入千峰去孤雲不

可留

送李祕書却赴南中

此公舉家先流嶺外兄弟數人俱沒南中

却到番禺日應傷昔所依炎洲百口住故園幾人歸路
識梅花在家存隸華稀獨逢迴鴈去猶作舊行飛

過前安宜張明府郊居

寂寂東郭外白首一先生解印孤琴在移家五柳成夕
陽臨水釣春雨向田耕終日空林下何人識此情

使迴次楊柳渡過元八所居

君家楊柳渡來往落帆過綠竹經寒在青山欲暮多薛

欽定四庫全書

劉隨州集

十二

蘿誠可戀婚嫁復如何無奈開門外漁翁夜夜歌

送李侍御貶郴州

洞庭波渺渺君去弔靈均幾路三湘水全家萬里人聽
猿明月夜看柳故年春憶想汀洲畔傷心向白蘋

寄普門上人

白雲幽臥處不向世人傳聞在千峰裏心知獨夜禪辛
勤羞薄祿依止愛閒田惆悵王孫草青青又一年

逢郴州使因寄鄭協律

相思楚天外夢寐楚猿吟更落淮南葉難爲江上心衡

陽間人遠湘水向君深欲逐孤帆去茫茫何處尋

岳陽館中望洞庭湖

萬古巴丘戊平湖此望長問人何處暮愁暮更蒼蒼盡

浪浮元氣中流沒太陽孤舟有歸客早晚達瀟湘

巡去岳陽却歸鄂州使院留別鄭洵侍御侍御先

曾謫居此州

何事長沙謫相

一作長

逢楚水秋暮帆歸夏口寒雨對巴

欽定四庫全書

劉隨州集

卷一

丘帝子椒漿奠騷人木葉愁誰憐萬里外離別洞庭頭

夏口送屈突司直使湖南

共悲來夏口何事更南征霧露行人少瀟湘春草生鷺

啼何處夢猿嘯若爲聲風月新年好悠悠遠客情

劉隨州集卷一

欽定四庫全書

劉隨州集卷二

唐 劉長卿 撰

雨中過員稷巴陵山居贈別

憐君洞庭上白髮向人垂積雨悲幽獨長江對別離牛

羊歸故道猿鳥聚寒枝明發遙相望雲山不可知

送李中丞之襄州

李一作李一興之襄州三字

流落征南將曾驅十萬師罷歸無舊業老去戀明時獨

欽定四庫全書

劉隨州集

卷二

立三朝識輕生一劍知茫茫漢江上日暮復何之

奉使至申州傷經陷沒

舉目傷蕪沒何年此戰爭歸人失舊里老將守孤城廢

戍山煙出荒田野火行獨憐澗水上時亂亦能清

穆陵關北逢人歸漁陽

逢君穆陵路匹馬向秦乾楚國蒼山古幽州白日寒城

池百戰後者舊幾家殘處處逢萬過歸人掩淚看

安州道中經澧水有懷

征蓬隨漣水忽似到秦川借問朝天處猶看落日邊
沙晴漾漾出澗夜濺濺欲寄西歸恨微波不可傳

步登夏口古城作

平蕪遠古堞遠客此沾衣高樹朝

一作朝

光上空城秋氣

歸微明漢水極搖落楚人稀但見荒郊外寒鴟暮暮飛

贈別盧司直之閬中

爾來多不見此去又何之華髮同今日流芳似舊時
洲

長春色遍漢廣夕陽遲歲歲王孫見空憐無處期

欽定四庫全書

劉隨州集

酬郭夏人日長沙感懷見贈

此公比經流
窠親在上都

舊俗歡猶在憐君恨獨深新年向國淚今日倚門心
歲

去隨湘水春生近桂林流鶯且莫弄江畔正行吟

赴巴南書情寄故人

南過三湘去巴人此路偏謫居秋瘴裏歸處夕陽遠
直

道天何在愁容鏡亦憐裁書欲誰訴無淚可潸然

餘干旅舍

搖落暮天迥青楓霜葉稀孤城向水閉獨鳥背人飛
渡

口月初上隣家漁未歸鄉心正欲絕何處搗寒衣

登思禪寺題修竹茂松

上方幽且暮臺殿隱蒙籠遠磬秋山裏清猿古木中
衆

溪連竹路諸嶺共松風儻許棲林下甘成白首翁

恩勅重推使牒追赴蘇州次前溪館作

漸入雲峰裏愁骨驛路閒亂鴉投落日疲馬向空山
且

喜憐非罪何心戀未班天南一萬里誰料得生還

北歸次秋浦界清谿館

欽定四庫全書

劉隨州集

萬里猿啼斷孤村客暫依鴈過彭蠡暮人向宛陵稀
舊

路青山在餘生白首歸漸知行近北不見鷓鴣飛

謫官後却歸故林將過虎丘悵然有作

萬事依然在無如歲月何邑人憐白髮庭樹長新柯
故

老相逢少同官不見多唯餘舊山路惆悵枉帆過

重推後却赴嶺外待進止寄元侍郎

却訪巴人路難期國士恩白雲從出岫黃葉已辭根
大

造功何薄長年氣尚寬空令數行淚來往落湘沅

秋杪江亭有作

一作秋杪
干越亭

寂寞江亭下

一作日暮更愁
遠天涯殊未還

世情何處澹

一作淡

湘水向人閒
一作孤鴈夕陽
秋江千萬山扁舟

一作如將

落葉此去未知還
一作俱在
洞庭間

送鄧司直歸上都

歲歲逢離別
蹉跎江海濱
官遊成楚老
鄉思逐秦人
馬

首歸何日鶯啼又一春
因君報情舊
閒慢欲垂綸

送靈澈上人歸嵩陽蘭若

欽定四庫全書

劉長卿集

四

南地隨緣久
東林幾歲空
暮山門獨掩
春草路難通
作

梵連松韻焚香入桂叢
唯將舊瓶鉢
却寄白雲中

却赴南邑留別鉢鉢臺知己

又過梅嶺上
歲歲此枝寒
落日孤舟去
青山萬里看
猿

聲湘水靜
草色洞庭寬
已料生涯事
唯應把釣竿

和靈上人新泉

東林一泉出
復與遠公期
石淺寒一作淺
流處山空夜

一作暮

落時一作淺
處空山夜月時
夢聞聞一作細響
應落對一作

向清漪動靜皆無意

一作如唯應達
道者知

將赴江南湖上別皇甫曾

此去君何恨
南行我更遙
東西湖渺渺
離別雨蕭蕭
綠

水通春谷青山過
板橋潯陽如枉棹
千里有歸潮一作枕

送李摯赴延陵令

清風季子邑
想見下車時
向水彈琴靜
看山採菊遲
明

君加印綬廉使託
惇嫠旦暮華陽洞
雲峰若有期

奉送裴員外赴上都

欽定四庫全書

劉長卿集

五

彤襜江上遠
萬里詔書催
獨過潯陽去
空憐潮信迴
離

心秋草綠
揮手暮帆閒
想見秦城路人看
五馬來

長沙桓王墓下別李紆張南史

長沙千載後
春草獨萋萋
流水朝將暮
行人東復西
碑

苔幾字滅
山木萬株齊
佇立傷今古
相看惜解携

送侯侍御赴黔中充判官

不識黔中路
今看遣使臣
猿啼萬里客
鳥似五湖人
地

遠官無法山深俗
豈淳湏令虎散外
亦解懼埋輪

秋日登吳公臺上寺遠眺寺即陳將吳明徹戰場

古臺搖落後秋日望鄉心野寺來人^{一作人來}少雲峰隔水

^{一作水隅}深夕陽依舊疊寒磬滿空林惆悵南朝事長江獨

至今

淮上送梁二恩命追赴上都

賣生年最少儒行漢庭聞拜手卷黃紙迴身謝白雪故
關無去客春草獨隨君蓀蓀長淮水東西自此分

送崔昇歸上都

欽定四庫全書

劉禹州集

六

舊寺尋遺緒歸心逐去塵早驚何處客古木幾家人白
髮經多難滄洲欲暮春臨期數行淚為爾一沾巾

過李將軍南鄭林園觀妓

郊原風日好百舌弄何頻小婦秦家女將軍天上人鴉

歸長郭暮草映大堤春客散垂楊下通橋車馬塵

送嚴侍御充東畿觀察判官

洛陽征戰後君去問凋殘雲月臨南至霜風向北寒故

園經亂久古木隔鄰看誰訪江城客年年守一官

送王端公入奏赴上都

舊國無家訪臨歧亦義歸途經百戰後客過二陵稀秋
草通征騎寒城背落暉行當家顧問吳楚歲頻饑

送管田判官鄭侍御赴上都

上國三千里西還及歲芳故山經亂在春日送歸長曉
春趨雙闕秋成報萬箱幸論開濟力已實海陵倉

送李校書赴東浙幕府

方從大夫後南去會稽行蓀蓀滄江外青青春草生
欽定四庫全書

劉禹州集

七

香辭亂事梅吹聽軍聲應訪王家宅空憐江水平

清明後登城眺望

風景清明後雲山睥睨前百花如舊日萬井出新烟草
色無空地江流合遠天長安在何處遙指夕陽邊

陪王明府泛舟

花縣彈琴暇樵風載酒時山含秋色近鳥度夕陽遲出
沒是成浪蒙籠竹亞枝雲峰逐人意來去解相隨

送度支留後若侍御之歙州便赴信州省覲

國用憂錢穀朝推此任難即山榆莢變降雨稻花殘林
響朝登嶺江喧夜過灘遙知驄馬色應侍倚門看

餘千夜宴奉餞前蘇州常使君

復拜東陽郡遙馳北關心行春五馬急向夜一猿深山
過康郎近星看婆女臨幸容棲託分猶戀舊棠陰

晚次苦竹館卻憶于越舊游

匹馬風塵色千峯旦暮時遙看落日盡獨向遠山遲故
驛花臨道荒村竹映籬誰憐却迴首步步戀南枝

欽定四庫全書

劉隨州集

送李二十四移家之江州

煙塵猶一作滿目岐路易一作沾衣通一作客多南渡

征一作鴻自北飛九江春草綠一作東林一作寺靜千里暮潮歸

別後難一作相訪全家隱釣磯一作羨爾全家一作峴峰對掩扉

送盧判官南湖

漾舟仍載酒愧爾意相寬草色南湖綠松聲小署寒水
禽前後起一作花嶼往來看已作滄洲調無心戀一官

送張栩扶侍之睦州此公舊任建德令

遙憶新安舊扁舟復却還淺深着水石來往逐雲山入
縣餘花在過門故柳開東征隨子去皆隱薜蘿間

集梁耿開元寺所居院

到君幽卧處為我掃蒼苔花雨晴天落松風終日來路
經深竹過門向遠山開豈得長高枕中朝正用才

贈西隣盧少府

籬落能相近漁樵偶復同苔封三徑絕溪向數家通犬
吠寒煙裏鷄鳴夕照中時因杖藜次一作倚因相訪竹

欽定四庫全書

劉隨州集

林東

遊休禪師雙峰寺

雙扉碧峰際遙向夕陽開飛錫方獨往孤雲何事來寒

潭映白月秋雨上青苔相送東郊外羞看驄馬回

屏中見桃花南枝已開北枝未發因寄杜副端

何意同根本開花每後時應緣去日遠獨自發春遲結
實思一作難忘一作無言恨豈知年光不可待空羨向

南枝